

შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“

ფარმაცევტული პროდუქტების სახელმწიფო შესყიდვის ელექტრონული ტენდერის
სატენდერო დოკუმენტაცია

(CVP 33600000)

დაფინანსების წყარო – შ.პ.ს. „ფსიქიკური ჯანმრთელობის და ნარკომანიის
პრევენციის ცენტრი“ – ს 2015 წლის საკუთარი შემოსავლები

სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონისა და სახელმწიფო შესყიდვების სააგენტოს თავმჯდომარის
2011 წლის 7 აპრილის N9 ბრძანებით დამტკიცებული „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის
ჩატარების წესი“-ს საფუძველზე

ქ. თბილისი 2014 წელი

1. ტექნიკური დოკუმენტაცია

1.1 შესყიდვის ობიექტის ტექნიკური დავალება:

შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ 2015 წლის საკუთარი შემოსავლების დაფინანსების ფარგლებში ფარმაცევტული პროდუქტების შესყიდვა (CPV 33600000).

შესყიდვის ობიექტი:

1.1.1 შესყიდვის ობიექტია --- ფარმაცევტული პროდუქტები, ნეიროლეფსიური სამკურნალო საშუალებები სატენდერო დოკუმენტაციის დანართით განსაზღვრული დასახელების, დოზის, ფორმის და რაოდენობის შესაბამისად.

აუცილებელი პირობა:

ა) შემოთავაზებული ფარმაცევტული პროდუქტი უნდა იყოს საქართველოს ფარმაცევტულ ბაზარზე დაშვების უფლების მქონე,

ბ) სატენდერო დოკუმენტაციის დანართის მე-6, მე-7, მე-8, მე-9, მე-10-ე, მე-13, მე-14, მე-16, მე-18, მე-19, მე-20, 21-ე და 22-ე პოზიციებზე შემოთავაზებული ფარმაცევტული პროდუქტი უნდა იყოს რეგისტრირებული საქართველოს მთავრობის 2009 წლის 22 ოქტომბრის №188 და 2013 წლის 30 ივლისის #195 დადგენილებების დანართებში აღნიშნული ქვეყნების ფარმაცევტული პროდუქტების მარეგულირებელი სახელმწიფო ორგანოების მიერ.

გ) ფარმაცევტული პროდუქტი წარმოდგენილი იქნას მინიმალური ქარხნული ამბულატორიული შეფუთვით. ცალკეულ შემთხვევებში შემსყიდველთან შეთანხმებით შესაძლებელია სტაციონალური შეფუთვით წარმოდგენა.

დ) შემოთავაზებული პროდუქტი უნდა იყოს ქარხნული წარმოების, არ უნდა იყოს დაზიანებული და მოწოდების მომენტისთვის ვარგისიანობის ვადა შენარჩუნებული უნდა ქონდეს არანაკლებ 40% დან 60% მდე.

ე) საქონლის მოწოდება განხორციელდება ეტაპობრივად 2015 წლის 31 დეკემბრამდე, შემსყიდველის მოთხოვნის შესაბამისად, მოთხოვნიდან არაუგვიანეს 5(ხუთი) სამუშაო დღის განმავლობაში.

1.2 ანგარიშსწორების ვადები და პირობები:

1.2.1. სატენდერო წინადადების საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ. კანონმდებლობით გათვალისწინებული გადასახადები) გათვალისწინებით;

1.2.2. ფაქტიურად მიწოდებული საქონლის ღირებულების ანაზღაურება მოხდება უნაღდო ანგარიშსწორებით, საქონლის მიწოდების, ინსპექტირების აქტის და შესაბამისი დამადასტურებელი დოკუმენტების (სასაქონლო ზედნადები) წარმოდგენიდან არაუგვიანეს 45 კალენდარული დღის განმავლობაში.

1.2.3. წინასწარი ანგარიშსწორება არ დაიშვება;

1.3 მიწოდების ადგილი, პირობები და ვადები:

1.3.1 საქონლის მიწოდება განხორციელდება ეტაპობრივად, შემსყიდველის მოთხოვნის შესაბამისად, მოთხოვნიდან არაუგვიანეს 5 სამუშაო დღის განმავლობაში. საქონლის მიწოდების შემდეგ დგება ინსპექტირების აქტი. შემსყიდველი უფლებამოსილია მიმწოდებელისგან მოითხოვოს დანართით განსაზღვრული მედიკამენტების რაოდენობის მიწოდება ფაქტიური საჭიროების მიხედვით, წლის ბოლოს მედიკამენტების რაოდენობის არასრული ათვისების შემთხვევაში მიმწოდებელიკარგავს აუთვისებელი თანხის მოთხოვნის უფლებას.

1.3.2 საქონლის მიწოდება „მიმწოდებელმა“ უნდა უზრუნველყოს შემდეგ მისამართზე: ქ. თბილისი, ქავთარაძის ქ. N21^ა.

შენიშვნა: ტენდერში მონაწილეობით პრეტენდენტი ავტომატურად აცხადებს თანხმობას სატენდერო დოკუმენტაციის აუცილებელი პირობით, ასევე 1.2 და 1.3 პუნქტებით განსაზღვრულ პირობებზე.

1.4. მიმწოდებლის მიერ ერთიან ელექტრონულ სისტემაში ასატვირთი ინფორმაცია:

პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 1.4.1. პრეტენდენტის რეკვიზიტები (დასახელება, მისამართი, ტელეფონი, საბანკო რეკვიზიტები, ხელმძღვანელი პირის სახელი, გვარი) დანართი 1-ის შესაბამისად;
- 1.4.2 ფასების ცხრილი სატენდერო დოკუმენტაციის დანართის შესაბამისად.
- 1.4.3 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე, უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართულენოვანი თარგმანი.
- 1.4.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედადსმული უნდა იყოს პრეტენდენტის შესაბამისად უფლებამოსილი პირის მიერ.

1.5 დამატებითი ინფორმაცია

1.5.1. გამარჯვებულმა კომპანიამ ხელშეკრულების გაფორმებამდე უნდა წარმოადგინოს ხელშეკრულების შესრულების საბანკო გარანტია სახელშეკრულებო ღირებულების 2%-ის ოდენობით. იმ შემთხვევაში თუ ტენდერში გამარჯვებული კომპანია წარმოადგენს თეთრ სიაში დარეგისტრირებულ მიმწოდებელს გარანტიის აღნიშნული ოდენობა ნახევრდება. გარანტიის მოქმედების ვადა უნდა იყოს არაუგვიანეს 2016 წლის 31 იანვრისა.

1.5.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. საკონტაქტო პირები: მედიკამენტებთან დაკავშირებით - ქეთევან ნიკოლიშვილი, ტელ: 599 100 524; სატენდერო დოკუმენტაციის პირობებთან დაკავშირებით - ირინე ყარაულაშვილი 595 03 11 83.

დანართი N1

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

პრეტენდენტის ხელმოწერა: -----

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება მოხდება გამარჯვებული პრეტენდენტის სატენდერო წინადადების შესაბამისად.

ხელშეკრულება №

(სახელმწიფო შესყიდვების შესახებ)

ქ. თბილისი

„ „ „ „ „ „ 2014წ

დაიდო, ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის“ (შემდგომში „შემსყიდველი“) წარმოდგენილი მისი დირექტორის ლაშა კილაძეს სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, შემდეგზე – შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2014 წლის --- ნოემბერს №SPA _____ გამოცხადებული ელექტრონული ტენდერის შედეგების მიხედვით ფარმაცევტული პროდუქტების შესყიდვაზე, რომლის ღირებულებაც განისაზღვრა _____ (_____) ლარით.

1. ხელშეკრულების საფუძველი

1.1. „სახელმწიფო შესყიდვების შესახებ“ საქართველოს კანონი.

1.2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“.

2. ხელშეკრულების საგანი

2.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შიდა შემოსავლების ფარგლებში ფარმაცევტული პროდუქტების შესყიდვა.

2.2. შემოთავაზებული ფარმაცევტული პროდუქტი უნდა იყოს რეგისტრირებული საქართველოს მთავრობის 2009 წლის 22 ოქტომბრის №188 და 2013 წლის 30 ივლისის #195 დადგენილებების დანართებში აღნიშნული ქვეყნების ფარმაცევტული პროდუქტების მარეგულირებელი სახელმწიფო ორგანოების მიერ.

2.3 შესყიდვის ობიექტის პარამეტრები მოცემულია მიმწოდებლის მიერ წარმოდგენილ სატენდერო წინადადებაში, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების საერთო ღირებულება

3.1 ხელშეკრულების საერთო ღირებულება შეადგენს — (—) ლარს.

3.2 ერთეულის ღირებულება განისაზღვრება დანართი 1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

4. ხელშეკრულების შესყიდვის ობიექტი

4.1. ხელშეკრულების (შესყიდვის) ობიექტია: ფარმაცევტული პროდუქტები (შემდგომში საქონელი) დანართის შესაბამისად.

4.2. დანართი წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, მწარმოებელი ქვეყანა და მწარმოებელი კომპანია, ზომის ერთეული, რაოდენობა, ერთეულის ფასი და საერთო ღირებულება.

5. შესყიდვის ობიექტის ხარისხი

5.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

5.2. შესყიდვის ობიექტის უხარისხობის და/ან სატენდერო დოკუმენტაციით მოთხოვნილთან შეუსაბამობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით, შემსყიდველის მოთხოვნიდან არაუგვიანეს 10 დღის ვადაში.

6. შესყიდვის ობიექტის მიწოდების პირობები, ადგილი და ვადები.

6.1. „საქონლის“ მიწოდება განხორციელდება ეტაპობრივად, „შემსყიდველის“ მოთხოვნიდან არაუგვიანეს 3 დღის ვადაში, 2014 წლის 31 დეკემბრის ჩათვლით.

6.2. საქონლის მიწოდების ადგილი – ქ. თბილისი, ქავთარაძის ქ. N21, შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“.

6.3 ფარმაცევტული პროდუქტი წარმოდგენილი იქნას მინიმალური ქარხნული ამბულატორიული შეფუთვით. ცალკეულ შემთხვევებში შემსყიდველთან შეთანხმებით შესაძლებელია სტაციონალური შეფუთვით წარმოდგენა.

6.4 შემსყიდველი უფლებამოსილია მიმწოდებლისგან მოითხოვოს დანართით განსაზღვრული მედიკამენტების რაოდენობის მიწოდება ფაქტიური საჭიროების მიხედვით, წლის ბოლოს მედიკამენტების რაოდენობის არასრული ათვისების შემთხვევაში მიმწოდებელი კარგავს ათვისებული თანხის მოთხოვნის უფლებას.

6.5 შემსყიდველი იტოვებს უფლებას, განსაკუთრებულ შემთხვევებში, მისაწოდებელი მედიკამენტების ჩამონათვლიდან შესყიდვის ობიექტის საერთო ღირებულების შეუცვლელად შეიძინოს რომელიმე პროდუქტი მეტი რაოდენობით, სხვა შესაძენი რაოდენობის შემცირების ხარჯზე;

7. შესყიდვის ობიექტის მიღება-ჩაბარებისა და კონტროლის წესი

7.1. შემსყიდველის მიერ საქონლის მიღება წარმოებს ეტაპობრივად.

7.2. საქონლის მიწოდების თითოეული ეტაპზე განხორციელდება მიწოდებული საქონლის შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი, რაზედაც დგება შესაბამისი ინსპექტირების აქტი.

7.3. შესყიდვის ობიექტის მოწოდებისას „მიმწოდებელმა“, უნდა წარმოადგინოს შესაბამისი დოკუმენტი საქონლის კოდის, დასახელების, რაოდენობის, ერთეულის ფასის და საერთო ღირებულების მითითებით.

7.4. მიმწოდებელმა უნდა უზრუნველყოს შემსყიდველისათვის 7.3. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

7.5. მიმწოდებლის მიერ წინამდებარე ხელშეკრულების პირობების შესრულებაზე კონტროლს განახორციელებს შემსყიდველის უფლებამოსილი პირი, რომელიც დაზუსტდება მხარეთა შორის ხელშეკრულების გაფორმების მომენტისთვის.

7.6 კონტროლის განმახორციელებელი პირის ფუნქციაა მისაწოდებელი ან/და მიწოდებული შესყიდვის ობიექტის მოცულობისა და მიწოდების ვადების ხელშეკრულების მოთხოვნებთან შესაბამისობის დადგენა.

7.5. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“. შემსყიდველს უფლება აქვს უარი თქვას დაგვიანებით მიღებულ ან უხარისხო საქონელზე, ასეთ შემთხვევაში შემსყიდველი თავისუფლდება ნაკისრი ვალდებულებებისგან.

8. ანგარიშსწორების წესი, ფორმა და ვადები

8.1. ანგარიშსწორება განხორციელდება ეტაპობრივად, ფაქტიურად მიწოდებული საქონლის შესაბამის თანხაზე, მიწოდებასთან დაკავშირებული დოკუმენტის (ინსპექტირების დასკვნა და სასაქონლო ზედნადები) გაფორმებიდან არაუგვიანეს 45 კალენდარული დღისა.

8.2. ანგარიშსწორების ფორმა – უნაღდო ანგარიშსწორება.

8.3. ანგარიშსწორება განხორციელდება ლარებში.

9. პირგასამტეხლო

9.1. ვადების დარღვევის შემთხვევაში, მათ შორის 10.2.1 პუნქტის შემთხვევაში, მხარეები ყოველ გადაცილებულ დღეზე იხდიან პირგასამტეხლოს ყოველ ვადაგადაცილებულ დღეზე მისაწოდებელი/სანაზღაურებელი საქონლის ღირებულების 0,01%-ს. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 1.5%-ს „შემსყიდველს“ უფლება აქვს ცალმხრივად შეწყვიტოს ხელშეკრულება.

9.2. „მიმწოდებელი“, ხელშეკრულების სხვა პირობების დარღვევის შემთხვევაში, გარდა იმ შემთხვევისა თუ პირობის დარღვევა გამოწვეულია „მიმწოდებლისგან“ დამოუკიდებელი მიზეზით, ყოველი დარღვევისას იხდის პირგასამტეხლოს სახელშეკრულებო თანხის 1%-ს.

9.3. ჯარიმის გადახდა არ ათავისუფლებს მხარეებს ძირითადი ვალდებულებების შესრულებისგან.

10. მხარეთა უფლება-მოვალეობები

10.1. „შემსყიდველი“ ვალდებულია:

10.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

10.2. „მიმწოდებელი“ ვალდებულია:

10.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას. წინააღმდეგ შემთხვევაში იგი საკუთარი სახსრებით თავად უზრუნველყოფს ყველა ასეთი ნაკლის აღმოფხვრას, ნაკლის/დეფექტის აღმოჩენიდან არაუგვიანეს 10 დღის ვადაში;

10.2.2. დროულად შეასრულოს ხელშეკრულებით ნაკისრი ყველა ვალდებულება.

10.3. „შემსყიდველი“ უფლებამოსილია:

10.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

10.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

10.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

10.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

10.3.5. არ მიიღოს და არ აანაზღაუროს დაგვიანებით მიწოდებული ან უხარისხო საქონელის ღირებულება. ასეთ შემთხვევაში შემსყიდველი თავისუფლდება ხელშეკრულებით ნაკისრი ვალდებულებებისგან.

10.4. „მიმწოდებელი“ უფლებამოსილია:

10.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

10.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

10.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

10.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

11. მხარეთა პასუხისმგებლობა ხელშეკრულების პირობების დარღვევისათვის

11.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

- 11.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.
- 11.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.
- 11.4. ხელშეკრულების ვადამდე მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.
- 11.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 11.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;
- 11.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.
- 11.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.
- 11.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:
- 11.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;
- 11.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.7.3. „მიმწოდებლის“ გაკოტრების შემთხვევაში.
- 11.8. საჯარიმო სანქციები რეგულირდება ამ ხელშეკრულების პირობებით და საქართველოს მოქმედი კანონმდებლობის შესაბამისად.

12. დაუძლეველი ძალის მოქმედება

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 12.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.
- 12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.
- 12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13 ხელშეკრულების შესრულების გარანტია

- 13.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.
- 13.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული საქონლის მიწოდების საბოლოოვადას.
- 13.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, ხელშეკრულების შესრულების უზრუნველყოფის საბანკო გარანტია უბრუნდება მიმწოდებელს მოთხოვნისთანავე.
- 13.4 თეთრ სიაში დარეგისტრირებული მიმწოდებლის შემთხვევაში გარანტიის ოდენობა ნახევრდება.

14. სადაო საკითხების გადაწყვეტა

- 14.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

14.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

15.1. ხელშეკრულება დადებულია საქართველოს მოქმედი კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

16. ხელშეკრულების ენა

16.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

18. ხელშეკრულების სხვა პირობები

18.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

18.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

18.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

18.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის ობიექტური აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა

18.5. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

19. ხელშეკრულების მოქმედების ვადა

19.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.~

19.2. ხელშეკრულების მოქმედები ვადა განისაზღვრება: _____

19.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

19.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

20. განსაკუთრებული შენიშვნები

20.1. ხელშეკრულება დგება ოთხ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“.

21. მხარეთა რეკვიზიტები

„შემსყიდველი“
შ.პ.ს. „ფსიქიკური ჯანმრთელობის
და ნარკომანიის პრევენციის
ცენტრი“

რეკვიზიტები:
ს/კ 404945164;
„თიბისი ბანკი“ ც/ფ, ბ/კ TBCBGE22;
ა/ა GE75TB7810436020100002;
მის: თბილისი, ქავთარაძის ქ. N21ა;

გენერალური დირექტორი:
ლაშა კილაძე

„მიმწოდებელი“

რეკვიზიტები:
ს/კ _____
ბანკი _____
ბ/კ _____
ა/ა _____
მის: _____

დირექტორი:
